



სსიპ საქართველოს ეროვნული მუზეუმის
შენობის მოწყობილობების შეკეთება და ტექნიკური მომსახურების
სახელმწიფო შესყიდვის გამარტივებული ელექტრონული ტენდერის

CPV50700000 - შენობის მოწყობილობების შეკეთება და ტექნიკური მომსახურება

ს ა ტ ე ნ დ ე რ ო დ ო კ უ მ ე ნ ტ ა ც ი ა

დაფინანსების წყარო: 2016 წლის საბიუჯეტო ასიგნებები

თბილისი, 2016 წელი

- შესყიდვის ობიექტი: საქართველოს ეროვნული მუზეუმის შემდგენლობაში მყოფი მუზეუმების შენობის მოწყობილობების შეკეთება და ტექნიკური მომსახურება.
- პრეტენდენტს არ აქვს უფლება წარმოადგინოს ალტერნატიული წინადადება.
- შესყიდვის ობიექტის ადგილი:
 - ქ. თბილისი - რუსთაველის გამზ. №3, რუსთაველის გამზ. №11, გუდიაშვილის ქ. №1
 - დაბა მესტია, იოსელიანის №7,
 - ქ. სიღნაღი, რუსთაველის ჩიხი №8.
- შესყიდვის ობიექტის მოწოდების ვადა: ხელშეკრულების გაფორმებიდან 2016 წლის 31 დეკემბრის ჩათვლით.
- პრეტენდენტი ვალდებულია გაეცნოს და დაეთანხმოს აფიდავიტის პირობებს, რა სახითაც იგი იქნება წარმოდგენილი სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.
- სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის ჩათვლით. ანგარიშსწორება მოხდება უნაღდო ანგარიშსწორებით, ეტაპობრივად, მიღება-ჩაბარების აქტებისა და საქართველოს კანონმდებლობით დადგენილი შესაბამისი დოკუმენტაციის საფუძველზე.
- საავანსო ანგარიშსწორება არ გამოიყენება.
- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან ითხოვს ფასწარმოქმნის ადეკვატურობის დასაბუთებას. ფასწარმოქმნის ადეკვატურობა, ყოველი კონკრეტული შემთხვევიდან გამომდინარე, შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან/და სხვა ისეთი დოკუმენტაციით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

საკონტაქტო პირი :

სატენდერო კომისიის აპარატის წევრი – ნანა ჯაშიაშვილი

ტელ : 577 24 55 66, 2 98 21 35, njashiashvili@museum.ge

ტექნიკური დავალება

გათბობის-გაგრილების სისტემის, ვენტილაცია-კონდიციონერების, ელექტრობის, უწყვეტი ელ. მომარაგების დანადგარების, ლიფტების, ხანძარქრობის სისტემის და წყალგაყვანილობის ტექნიკური მომსახურება საქართველოს ეროვნულ მუზეუმის შემდეგ შენობებში:

- ს.ჯანაშიას სახელობის საქართველოს მუზეუმი (ქ.თბილისი, რუსთაველის გამზ. №3)
- დ.შევარდნაძის სახელობის ეროვნული გალერეა (ქ.თბილისი, რუსთაველის გამზ. №11)
- შ. ამირანაშვილის სახელობის ხელოვნების მუზეუმი (ქ.თბილისი, გუდიაშვილის ქ. #1)
- სიღნაღის ისტორიულ-ეთნოგრაფიული მუზეუმი (ქ.სიღნაღი, რუსთაველის ჩიხი №8)
- სვანეთის ისტორიულ-ეთნოგრაფიული მუზეუმი (მესტია, ა. იოსელიანის №7).

აღნიშნული მომსახურება განხორციელდება დანართი №1-ს შესაბამისად.

პრეისკურანტით განსაზღვრული მომსახურებისა და ასეთი მომსახურებისათვის საჭირო საქონლის რომელიმე ერთეულის არარსებობისას, აღნიშნული ერთეულის ფასი მისი შესყიდვის აუცილებლობისას, დადგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. ასეთ შემთხვევაში პრეისკურანტით განსაზღვრული მომსახურებისა და ასეთი მომსახურებისათვის საჭირო საქონლის რომელიმე ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს პრეისკურანტის საბოლოო ჯამური ღირებულების 10%-ს.

შემსყიდველის მხრიდან კონკრეტული მოთხოვნის მიღებიდან მიმწოდებელმა უნდა უზრუნველყოს შესყიდვის ობიექტის მიწოდება არაუმეტეს 3 სამუშაო დღის განმავლობაში.

კონკრეტული გამოცვლილი ნაწილისა და ნაწილის გამოცვლისათვის აუცილებელი მომსახურების გაწევის საგარანტიო ვადა ვრცელდება 6 თვიდან 1 წლამდე.

შენიშვნა:

- პრეტენდენტის მიერ სისტემის მეშვეობით წარდგენილი წინადადების ფასი არ უნდა აღემატებოდეს პრეისკურანტის სავარაუდო ღირებულებას და ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.
- გამარჯვებული პრეტენდენტის მიერ სისტემის მეშვეობით წარმოდგენილ პირვანდელ და ელექტრონული ვაჭრობის შედეგად დაფიქსირებულ საბოლოო პრეისკურანტის ღირებულების სხვაობის არსებობის შემთხვევაში, პრეისკურანტით განსაზღვრული ერთეულის ღირებულების დაანგარიშება მოხდება არსებული სხვაობის პროცენტული მაჩვენებლის თანაბრად დაკლების პრინციპით. აღნიშნულ შემთხვევაში ტენდერში გამარჯვებულმა პრეტენდენტმა კორექტირებული პრეისკურანტი უნდა წარმოადგინოს აღნიშნული პრინციპით დაანგარიშებული ერთეულის ფასების მიხედვით.

დ. შევარდნაძის სახელობის ეროვნული გალერეა (რუსთაველის გამზ. №11)

ელექტრობა:

სუსტი დენები, სიგნალიზაცია, ვიდეოთვალყური:	
მომრავის დეტექტორები, მსხვერვის დეტექტორები	
ვიდეო-სამეთვალყურეო მონიტორი	2 ცალი
ვიდეო-კამერები	30 ცალი
უწყვეტი დენის წყარო (ups)	2 ცალი
აკუმულატორი	2 ცალი
სამუხტი	2 ცალი
გენერატორი 75 კვტ. სამფაზიანი	1 ცალი

- სისტემაზე ზედამხედველობა, დაზიანების აღმოფხვრა, სანათების (ნათურები) შეცვლა და სხვა.

გათბობის სისტემების მომსახურება:

შესასრულებელი მომსახურების ჩამონათვალი:

- საცირკულაციო ტუმბოების ყოველდღიური კონტროლი
- საქვაბეში შემავალი გაზის წნევის და გაზის გაჟონვის კონტროლი, ყოველდღიური რეგულირება
- წყლის ტემპერატურის ყოველდღიური კონტროლი
- წყლის წნევის ყოველდღიური კონტროლი
- გათბობის სისტემიდან ჰაერის გამოდევნის კონტროლი
- ქვაბებისა და საკვამლე მილის გაწმენდა წელიწადში ერთხელ
- სანათურებისა და ფილტრების გაწმენდა წელიწადში ერთხელ და საჭიროების შემთხვევაში გამოცვლა

ვენტილაცია-კონდიციონირების სისტემა

შესასრულებელი მომსახურების ჩამონათვალი:

- ტემპერატურული რეჟიმის ყოველდღიური კონტროლი
- წყლის წნევის ყოველდღიური კონტროლი
- ჩილერის მართვის პულტის ყოველდღიური კონტროლი
- ფილტრების გაწმენდა წელიწადში ერთხელ
- დაზიანების შემთხვევაში სერვისის უზრუნველყოფა.
- სავენტილაციო სისტემის გამართულობის ყოველდღიური კონტროლი.

ლიფტები:

ლიფტი №1 პანორამული

ლიფტის დამამზადებელი ქარხანა	- Ametal
ლიფტის ამმრავის ტიპი	- ჰიდრაულიკური
ტვირთამწეობა	- 630 კგ.
მგზავრთა რაოდ.	- 8
გადაადგილების სიჩქარე მ/წმ	- 0.63
ლიფტის მოდელი	- ARIES 300 HYD
მართვის სისტემა	- დილაკიანი
გაჩერებათა რიცხვი	- 3
შახტის კარების ოდენობა	- 3

ლიფტი №2 სატვირთო სიხშირული

ლიფტის დამამზადებელი ქარხანა	- Ametal
ლიფტის და ჯალამბრის ტიპი	- სატვირთო, სიხშირული, ზედა სამანქანო

ოთახით	
ტვირთამწეობა	- 2000 კგ.
ამძრავი	- ელექტრონული, სიხშირული
გადაადგილების სიჩქარე მ/წმ	- 0.65
მართვის სისტემა	- ღილაკიანი
გაჩერებათა რიცხვი	- 3
შახტის კარების ოდენობა	- 4
კაბინის ტიპი	- გამჭოლი

ლიფტი №3 სამგზავრო სიხშირული

ლიფტის დამამზადებელი ქარხანა	- Ametal
ლიფტის და ჯალამბრის ტიპი	- სამგზავრო, სიხშირული
ამძრავი	- ელექტრონული, სიხშირული
ლიფტის მოდელი	- ARIES 500 VVVF 500 ვვვვ, ზედა სამანქანო ოთახით
ტვირთამწეობა	- 480 კგ.
მგზავრთა რაოდენობა	- 6
გადაადგილების სიჩქარე მ/წმ	- 1
მართვის სისტემა	- ღილაკიანი
გაჩერებათა რიცხვი	- 4
შახტის კარების ოდენობა	- 4

- შახტისა და ლიფტების ყოველკვირეული რევიზია; მრავების მუშაობის გამართულობაზე მუდმივი კონტროლი.

წყალგაყვანილობა:

სველი წერტილი	14
შემრევი	23

- წყალგაყვანილობის და კანალიზაციის სისტემის დაზიანების აღმოფხვრა შენობასა და წითელი ხაზების ფარგლებში
- სისტემის ზედამხედველობა; დაზიანების გამოსწორება

ხანძარქრობის სისტემა:

- გამოძახების შემთხვევაში უმოკლეს დროში კვალიფიციური თანამშრომლის დღის ნებისმიერ მონაკვეთში ადგილზე გაგზავნა და რეაგირება.
- თვეში ერთხელ მუხტის დონის შემოწმება ბატარეებზე დამონტაჟებული მანომეტრებით მის გარშემო არსებულ ტემპერატურასთან შედარებით დასაშვები 5%-იანი ცვლილების გათვალისწინებით.
- ყველა შემადგენელი დეტალის და მისი შემაერთებლების თვეში ერთხელ ვიზუალური გადამოწმება.
- მაღალი წნევის მილების თვეში ერთხელ შემოწმება შესაძლო დაზიანებებზე.
- ყველა შესაძლო ადგილის შემოწმება კოროზიულობაზე.
- ერთხელ სატესტო გასინჯვა გაზის დაცლის გარეშე, ყველა კომპონენტის მუშაობის მდგომარეობის გადამოწმებით.
- თვეში ერთხელ ასპირაციული დეტექტორების ფილტრების შემოწმება.
- თვეში ერთხელ ყველა შემადგენელი სამისამართო მოწყობილობის დატესტვა და შემოწმება.
- თვეში ერთხელ ავტომატური ხანძარქრობის პულტების ინდიკატორების და მუშაობის სრული შემოწმება სოლენოიდურ აქტუატორებამდე.
- თვეში ერთხელ ხანძრის დეტექციისა და ავტომატური ქრობის ყველა ზევით ჩამოთვლილი შემადგენელი კომპონენტების სრულყოფილად ფუნქციონირება.
- ყოველი შემოწმებისას ასახოს შესაბამის ჟურნალში პასუხისმგებელი პირის ხელმოწერით.

სიღნაღის ისტორიულ-ეთნოგრაფიული მუზეუმი:

1. გაზით გათბობის საქვაბე
2. ჩილერი
3. გენერატორი 12 კვ-იანი

სისტემაზე ზედამხედველობა, დაზიანების აღმოფხვრა, შეცვლა და სხვა.

ს.ჯანაშიას სახელობის საქართველოს მუზეუმი (რუსთაველის გამზ. №3)

ლიფტები:

1. ადმინისტრაციული დანიშნულების სამგზავრო ლიფტი (საბჭოური წარმოების) - 2 ცალი
ტვირთამწეობა 500 კგ. 6 მგზავრისთვის.
გაჩერებების რაოდენობა 7; სიჩქარე 1 მ/წმ
ძრავა 7 კვტ

2. სამგზავრო ლიფტები:

„KONE“ - ფირმის - 1 ცალი
ტვირთამწეობა 1000 კგ 13 მგზავრისათვის.
სამანქანო განყოფილებით.
გაჩერებების რაოდენობა 4; სიჩქარე 1 მ/წმ
ძრავი 5.7 კვტ

„KONE“ - ფირმის - 1 ცალი
ტვირთამწეობა 630 კგ 8 მგზავრისათვის.
სამანქანო განყოფილების გარეშე(ძრავი შახტაში)
გაჩერებების რაოდენობა 6; სიჩქარე 1 მ/წმ
ძრავი 3.7 კვტ

- შახტისა და ლიფტების ყოველკვირეული რევიზია; ძრავების მუშაობის გამართულობაზე მუდმივი კონტროლი.

სვანეთის ისტორიულ-ეთნოგრაფიული მუზეუმი:

1. პრეცეზიული კონდიციონერები
2. გათბობა-გაგრილების სისტემა
3. ელექტროქვაბები
4. ვენტილაციის სისტემა
5. გენერატორები

- ტემპერატურული რეჟიმის ყოველდღიური კონტროლი
- წყლის წნევის ყოველდღიური კონტროლი
- ჩილერის ყოველდღიური კონტროლი
- ფილტრების გაწმენდა საჭიროებისამებრ
- დაზიანების შემთხვევაში სერვისის უზრუნველყოფა.
- სავენტილაციო სისტემის გამართულობის ყოველდღიური კონტროლი.
- საცირკულაციო ტუმბოების ყოველდღიური კონტროლი
- წყლის ტემპერატურის ყოველდღიური კონტროლი
- წყლის წნევის ყოველდღიური კონტროლი
- გათბობის სისტემიდან ჰაერის გამოდევნის კონტროლი
- ქვაბების გაწმენდა წელიწადში ერთხელ
- სანთურებისა და ფილტრების გაწმენდა წელიწადში ერთხელ და საჭიროების შემთხვევაში გამოცვლა

- შ.ამირანაშვილის სახელობის ხელოვნების მუზეუმი (გუდიაშვილის ქ. №1)
- მოდინებითი VRV სისტემის ტექნიკური ზედამხედველობა, მის გამართულობაზე მუდმივი კონტროლი.

შენიშვნა:

- დაინტერესებულ პირებს შეუძლიათ მომსახურების გასაწევ ობიექტს გაეცნონ ადგილზე.

პრეტენდენტის სატენდერო წინადადებასთან ერთად ატვირთული ელექტრონულ სისტემაში უნდა იქნეს შემდეგი ინფორმაცია:

- რეკვიზიტები
- ინფორმაცია შესყიდვის ობიექტის მოწოდებისა ვადისა და ადგილის შესახებ.
- გასაწევი მომსახურების ტექნიკური აღწერილობა
- ინფორმაცია ანგარიშსწორების შესახებ.
- გასაწევი მომსახურების ხარჯთაღრიცხვა დანართი №1-ის შესაბამისად.
- მინიმუმ 2 (ორი) სარეკომენდაციო წერილი იმ ორგანიზაციიდან, რომელთათვისაც გაწეული აქვს ანალოგიური მომსახურება არანაკლებ წლიური 100 000 ლარის ოდენობით.
- ანალოგიური მომსახურების (მათ შორის, ცენტრალური სისტემების მართვის) გამოცდილების დამადასტურებელი დოკუმენტები (ხელშეკრულება, მიღება-ჩაბარების აქტი და სხვა) ბოლო 3 წლის განმავლობაში.

– სახელმწიფო შესყიდვის შესახებ ხელშეკრულების პროექტი

ხელშეკრულება სახელმწიფო შესყიდვის შესახებ

(ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში)

ქ.თბილისი

----- 2016 წელი

ერთის მხრივ, სსიპ საქართველოს ეროვნული მუზეუმი (შემდგომში „შემსყიდველი“) და მეორეს მხრივ ----- (შემდგომში „მიმწოდებელი“) შორის.

იმის გათვალისწინებით, რომ შემსყიდველმა ჩაატარა ტენდერი

შესყიდვის ობიექტის მოკლე აღწერა

შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება, რომლის თანახმად მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება შემდეგ თანხაზე:

(ხელშეკრულების თანხა ციფრებით, სიტყვიერად და ვალუტის ჩვენებით)
(შემდგომში „ხელშეკრულების ღირებულება“)

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“- ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურებას ხელშეკრულების ფარგლებში.

2. ხელშეკრულების საგანი

2.1. წინამდებარე ხელშეკრულების საგანია შენობის მოწყობილობების შეკეთება და ტექნიკური მომსახურების განხორციელება (ხელშეკრულებით გათვალისწინებული შესყიდვის ობიექტი განისაზღვრება სატენდერო დოკუმენტაციის, კერძოდ ტექნიკური დავალების შესაბამისად, რომელიც შემდგომში თან დაერთვის ხელშეკრულებას და წარმოადგენს მის განუყოფელ ნაწილს) – შემდგომში მომსახურება.

3. ხელშეკრულების ღირებულება

3.1. ხელშეკრულების საერთო ღირებულება შეადგენს ----- ლარს, დღგ-ს ჩათვლით.

4. ანგარიშსწორების ფორმა და ვადები

4.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

4.2. მიმწოდებელთან ანგარიშსწორება იწარმოებს, ეტაპობრივად, მხარეთა მიერ ფაქტიურად გაწეული მომსახურების შესახებ წარმოდგენილი საგადასახადო ანგარიშ-ფაქტურებისა და მიღება-ჩაბარების აქტების საფუძველზე.

5. სტანდარტები

5.1. ხელშეკრულების ფარგლებში შესრულებული მომსახურება უნდა შეესაბამებოდეს საქართველოში მოქმედ სტანდარტებს.

6. შესყიდვის ობიექტის მიღება-ჩაბარების წესი

- 6.1. შესყიდვის ობიექტი ან მისი ნაწილი (ეტაპი) ჩაითვლება მიღებულად მხოლოდ მიღება-ჩაბარების აქტის გაფორმების შემდეგ.
- 6.2. შესყიდვის ობიექტის (მისი ნაწილის, ეტაპის) მიღების ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 6.3. შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული მომსახურების ნაწილის (ეტაპის) და წუნდების მიზეზის მითითებით.
- 6.4. ამ ხელშეკრულებით გათვალისწინებული მომსახურების შემოწმებას და მიღება-ჩაბარებას ახორციელებს საქართველოს ეროვნული მუზეუმის -----.
7. მხარეთა უფლება – მოვალეობები
- 7.1. შემსყიდველს უფლება აქვს:
- მიმწოდებლისაგან მოითხოვოს ხელშეკრულებით გათვალისწინებული ყველა პირობის დაცვა.
- 7.2. შემსყიდველი ვალდებულია:
- მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად.
- 7.3. მიმწოდებელს უფლება აქვს:
- მოსთხოვოს შემსყიდველს შესრულებული მომსახურების ღირებულების ანაზღაურება.
- 7.4. მიმწოდებელი ვალდებულია:
- შემსყიდველს გაუწიოს ხელშეკრულებით გათვალისწინებული მომსახურება წარმოშობილი მოთხოვნის შესაბამისად.
 - დროულად და კეთილსინდისიერად შეასრულოს ხელშეკრულებით ნაკისრი ვალდებულება.
8. ხელშეკრულების მოქმედების ვადა
- 8.1. წინამდებარე ხელშეკრულება ძალაში შედის ხელმოწერის დღიდან და მოქმედებს 2017 წლის 31 იანვრის ჩათვლით.
9. ხელშეკრულების პირობების შეუსრულებლობა
- 9.1. ფორს-მაჟორული პირობების გარდა, ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა, - ყოველ გადაგადაცილებულ დღეზე ხელშეკრულების ღირებულების 0.1%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, პირგასამტეხლო შეადგენს ვალდებულების შეუსრულებლობის ნაწილის 0.1%-ს.
- 9.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს ცალმხრივად შეწყვიტოს ხელშეკრულება.
- 9.3. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
10. ხელშეკრულებით ნაკისრი ვალდებულებების შესრულების ინსპექტირება
- 10.1. შემსყიდველი უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 10.2. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.
- 10.3. გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.
11. ხელშეკრულებაში ცვლილებების შეტანა.
- 11.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.

11.2. თუ რაიმე წინასწარ გაუთვალისწინებელი მიზეზების გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.

11.4. ხელშეკრულების პირობების ნებისმიერ ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

12. ფორს- მაჟორი

12.1. ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული შემსყიდველის და ან მიმწოდებლის შეცდომებსა და დაუდევრობასთან და რომელსაც გააჩნია წინასწარ გაუთვალისწინებელი ხასიათი.

12.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომელისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობით შეტყობინება ასეთი გარემოებების და მათი გამომწვევი მიზეზების შესახებ.

13. ხელშეკრულების შეწყვეტა მისი პირობების შეუსრულებლობის გამო

13.1. შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

- თუ მიმწოდებელს ხელშეკრულებით გათვალისწინებულ ვადებში არ შეუძლია გაუწიოს მთლიანი მომსახურება;

- თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

13.2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

- თუ შემსყიდველისათვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

- მიმწოდებლის გაკორტების შემთხვევაში;

- საქართველოს კანონმდებლობით გათვალისწინებულ სხვა შემთხვევებში.

13.4. ამ მუხლის მე-3 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს, საქართველოს კანონმდებლობის შესაბამისად.

15. სხვა პირობები

15.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, შესაბამისმა მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება.

15.2. ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით.

15.3. ორივე მხარე უფლებამოსილია მოშალოს ეს ხელშეკრულება ცალმხრივად თუ მეორე მხარე ვერ უზრუნველყოფს თავის ვალდებულებების ჯეროვან შესრულებას; მხარე ვალდებულია გადაწყვეტილების მიღების განზრახვის შესახებ არანაკლებ 5 კალენდარული დღით ადრე შეატყობინოს მეორე მხარეს.

15.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

15.5. ხელშეკრულება შედგენილია ქართულ ენაზე, იურიდიული ძალის მქონე ორ იდენტურ ეგზემპლარად, თითო ყოველი მხრისთვის.

16. მხარეთა რეკვიზიტები და ხელმოწერები

შემსყიდველი

მიმწოდებელი